

40 INDEX GEOGRAPHICUS.

Latit. Gr. Scr.	Longit. Gr. Scr.
33. 3.	67. 50.
32. 14.	68. 4.
32. 48.	66. 49.
31. 57. $\frac{1}{2}$	67. 1.
31. 33.	66. 51.
31. 11.	67. 24.
32. 35.	67. 40.
20. 30.	76. 20.
30. 35.	66. 35.
31. 34.	66. 28.
37. 0.	53. 10.
38. 0.	64. 20.
32. 0.	68. 0.
32. 40.	67. 50.

Daphnis fons. Num. 34. v. 11. de primis limitibus Terræ promissæ ad Orientem: De Sephama descendit termini in Rebla contra fontem Daphnem, inde pervenient contra Orientem ad Mare Ceneroth.

Datheman castrum sive munitio, in quam fugerunt & receperunt se Israëlita; cum Gentes quæ sunt in Galaad eos persequerentur, ut tollerent eos, 1. Mach. 5. v. 9. fortèque eadem est quæ & Bethonim.

Debbaseth locus in Tribu Zabulon inter Mare & Sarid, Jos. 19. v. 11.

Debbora Palma, Judic. 4. v. 4. Erat autem Debbora Prophetis, uxor Lapidoth, quæ judicabat populum in illo tempore, v. 5. & sedebat sub Palma, quæ nomine illius vocabatur, inter Rama, & Bethel, in monte Ephraim.

Debera locus in limite Tribus Juda contra Benjamin, Jos. 15. v. 7.

Deblathaim, Jerem. 48. v. 22. Et Judicium venit super terram campestrum, & super domum Deblathaim. etiam Ezechiel: Et faciam terram desolatam, & destitutam à deserto Deblatha in omnibus habitationibus eorum, 6. v. 14.

Decapolis. Tractus, qui à decem celeberrimis urbibus nomen habet Joseph. 3. Bell. c. 18. de Scythopoli: hæc (ut ait) civitas Decapoleos maxima est. Puto eas omnes decem civitates esse ad Mare Galilææ, aut penè hoc Mare positas. Eruntque Bethsan sive Scythopolis ad Meridiem; Tarichæa, Tiberias, & Jotapata ad Occidentem; Bethsaida aliàs Julias, & Capharnaum, & Corosaim ad Septentrionem; Gerasa, Gadara, Gamala, & Hippos ad Orientem. Alii aliàs has urbes putant. Decapoleos meminere, Matth. 4. v. 25. Marc. 5. v. 20. & 31. Etenim in monte quodam Decapoleos postquam plures mutos, cæcos, claudos, debiles, & alios curatos: etiam septem panes, & paucos pisciculos ad quatuor millia hominum satietatem, & ex fragmentis ad sportarum septem impletionem multiplicavit Christus.

Decla inter filios Jectan est, 1. Paralip. 1. v. 21. fortassis erit Dela Ptolemæi. V. Jectan.

Dedan locus in Idumæa diversus à Dadan, quem in Arabia Fœlici diximus: & qui aliquando etiam scribitur Dedan. Utriusque meminit Ezechiel 27. Arabici: v. 15. Filii Dedan negotiatores tui: Insulæ multæ negotiatio manus tuæ: dentes eburneos & hebeninos commutaverunt in pretio tuo. Et v. 20. Idumæi: Dedan institores tui in tapetibus ad sedendum. Hæc etenim ad Idumæam Dedan conveniunt, illa ad Arabicam, de qua etiam Isaias 21. v. 13. sub nomine Dedanim.

Delean quarta describitur in regione tertia Tribus Juda, in qua civitates sunt sexdecim.

Delos, 1. Mach. 15. v. 23. Insula profanis scriptoribus & fabulis notissima, propter Apollinis & Dianæ natalitia, Templumque & Mercatum aliquando totius Græciæ celeberrimum. Eaque Insulis circumvicinis Cycladum nomen dedit, quod penes Delum quasi in circulum sint positæ.

Derbe. Paulus & Barnabas ex Iconio (in qua Judæi contra illos tumultum concitarant) confugerunt ad civitates Lycaoniæ, Lystram & Derben, Act. Ap. 14. v. 6. Ptolemæus Derben putat in Cappadocia, alii in Cilicia, alii in Isauria, sed vicinæ inter se sunt regiones eæ.

Desertum sive Deserta Arabiæ. Arabiæ partes penè omnes, quæ Judææ contiguæ, deserta, & solitudines dici possunt, si Judææ partium omnium ratio habeatur.

Desertum Beth-saidæ, in quo Populus, post panum quinque & duorum piscium multiplicationem, Christum regem facere voluit, Joan. 6. v. 15. fugit ille in montem solus. Et statim Christus Discipulos compulit, ut navim ascenderent, & præcederent se trans fretum ad Beth-saida, Marc.